



Teologie van Oorlog

Om *Blitspos* te ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan produksie@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Ek lees iewers iemand sê daar word nooit soveel gelieg as voor 'n verkiesing, tydens 'n rugbywedstryd of na 'n oorlog nie. Ons kan skerts soveel ons wil, maar oorlog is geen grap nie.

Oorlog, of dit nou 'n koue of 'n warm oorlog is, was van die vroegste tye af deel van die mens se geskiedenis. Hoe moet Christene dink oor oorlog en vrede? Op die oomblik is daar twee reuse-oorloë (waarvan ons weet!) wat in die wêreld woed: die oorlog in Israel en die oorlog in Oekraïne.

Is dit moontlik om 'n Teologie van Oorlog te formuleer? Dit blyk dat daar ten minste vyf teologieë oor oorlog is:

- (i) Die pasifiste is gekant teen alle vorme van geweld. Jesaja 2: 4 praat van 'n tyd van vrede waartydens geen wapens vervaardig sal word nie en almal in harmonie sal saamleef. Jesus self roep sy volgelinge op om die ander wang te draai (Luk 6: 29) en nie net jou naaste lief te hê nie, maar ook jou vyande (Matt 5: 44).
- (ii) Die aktiviste of militantes soek na redes om te baklei. Die Bybel praat nooit geweld goed nie (vgl Ps 11: 5).
- (iii) Die “tydige aktiviste” gebruik Prediker 3: 8 om te herinner dat daar 'n tyd vir alles is, selfs vir oorlog en haat. Soms is dit nodig om met geweld te reageer, veral as dit die manier is om geweldenaars tot orde te roep.
- (iv) Die “laaste-uitweggers” wys daarop dat oorlog deur 'n berekende en wyse besluit voorafgegaan moet word (Spr 24: 6). Oorlog is die laaste uitweg (Luk 14: 31-32).
- (v) Die draadsitters of opinieloses is radeloos oor hoe om geweld te vermy.

Net soos dans, vat dit meer as een om oorlog te maak. Die rede vir oorlog hang dus af van wie jy vra. Soms het oorlog 'n baie spesifieke oorsaak, en soms is daar geen of selfs 'n vergete oorsaak, en meermale is daar vele oorsake vir oorlog. Die oorloë in Israel en Oekraïne het nie net een oorsaak nie. 'n Geskiedenis van verskille en wedersydse dae van onreg maak dat die inwoners van Israel mekaar haat. Wêreldmoondhede se dreigemente en magsvergrype maak dat mense in Oekraïne ly. Geweld kan nie bydra tot sosiale geregtigheid nie. Die pad na vrede begin met die neerlê van wapens.

Die teenoorgestelde van oorlog is vrede. Vrede kan ook kompleks wees. Dink nou maar aan die *Pax Romana* (die vrede wat die Romeine belowe het), of selfs die *Pax Britannica* wat die Britte aan hul onderdane in die *Empire* belowe het. Dit is slegs vrede solank daar onderdanigheid en gehoorsaamheid aan die onderdrukkers is. 'n Soortgelyke voorwaardelike vrede het in Gasa geheers en gemaak dat spanning oor jare tussen die Palestyne en Israeli's opgebou het.

Hoe moet ons as Christene aan die suidpunt van Afrika reageer op die huidige oorloë? Om kant te kies of om die ware oorsake te identifiseer, gaan nie bydra tot vrede nie. Al wat ons te doen staan, is om te bid vir vrede. Die kruis van Jesus vra van ons om 'n pad van vrede en versoening te kies.

Saam kan ons bid dat die Vredevoers in mense se harte en verstand sal werk sodat ons anders na mekaar kan kyk en vrede sal najaag. *Pacem vobis!*

Lief en leed



Ds Leon Geel (sr)

- **Ds Leon Geel (sr)** van Gemeente Grimbeekpark en visevoorsitter van die Kommissie van die AKV, ondergaan op 27 Oktober 'n operasie nadat hy met kanker gediagnoseer is. Ons bid hom spoedige beterskap toe.

- Ons dink ook aan al die ampsdraers en lidmate wat tans gesondheidsprobleme ondervind, en nie noodwendig hul besonderhede in ons nuusbrief wil deel nie. Sterkte in die besonder aan **ds Kalla Fourie** (emeritus), **mnr Kobus Viljoen** (oudadministrateur) en **mev Kitty Botha** (weduwee van ds Theuns Botha en moeder van ds Hannelie Botha).

- Baie geluk aan **ds Richard van der Westhuizen** van Tzaneen wat op Vrydag 6 Oktober deur ds Hennie la Grange in die Bosveldomgewing van Hoedspruit in die huwelik bevestig is met **Christa Erasmus**.

- **Mnr Johan en Clarika Hattingh** van die Sinodale Dienssentrum **se seun JD** is aangewys as onderhoofseun (akademies) en hoofseun van die koor van Afrikaans Hoër Seunskool in Pretoria. Hy het ook die Blou Bulle se Cravenweekspan gehaal. Baie geluk!

- Die erediens waartydens **prof Wim Dreyer** emeritaat aanvaar, vind plaas op 22 Oktober vanaf 09:00 by Gemeente Pretoria-Oos, Delyweg 100, Waterkloofpark.

- **Ds Werner Olivier** se 25-jaar-ampsjubileum vind plaas op 19 November vanaf 09:00 by Gemeente Selcourt, hv Star- en Karibaweg, Selcourt, Springs. Dit sal 'n Nagmaaldiens wees.

- **Die volgende predikante verjaar tot 27 Oktober, en word hartlik geluk gewens:**

- Donderdag 19 Oktober: Ds HN (Hein) Kloppers (54) (Koster/Magaliesburg/Noordrand)
- Saterdag 21 Oktober: Di JD (Jan) Grobler (74) (emeritus) en A (André) Steinmann (30) (Piet Potgieter)
- Woensdag 25 Oktober: Ds CG (Chris) Liebenberg (54) (Hawke's Bay, Nieu-Seeland)
- Donderdag 26 Oktober: Di HSK (Hennie) Nel (63) (Potgietersrus), GSC (Skip) Scheepers (74) (emeritus) en JR (Robert) van Niekerk (33) (Noordelike Pretoria)
- Vrydag 27 Oktober: Di KF (Kathleen) Smith (63) (Kaapstad) en PM (Pieter) Smith (69) (emeritus)

Gemeentes en bediening

- Enige saak wat volgens die Kerkorde onder die aandag van die **Kommissie van die AKV** gebring moet word, moet mev Karen Breedt (karen@nhk.co.za) asseblief **teen Maandag 6 November** bereik **vir 16 en 17 November** se Kommissievergadering. **Geen laat sake** sal in die agenda opgeneem word nie.

- **Ds MJ (Martin) Fouché** van Virginia/Riebeeckstad aanvaar op 31 Desember 2023 emeritaat.

- Die Kommissie van die AKV versoek gemeentes om **Sondae 22 en 29 Oktober se deurkollekte** aan die **Teologiese Opleidingsfonds** te skenk. Die bankbesonderhede is soos volg:

Instansie: ABSA

Rekeningnaam: Teologiese Opleidingsfonds

Rekeningnommer: 4048632649

Takkode: 632005



Ds Martin Fouché

- **Werkruimte vir voltydse bediening: Gemeente Alberton.** Aansoeke word ingewag van gelegitimeerde predikante van die NHKA om die werkruimte te vul ná die emeritaat-aanvaarding van die huidige predikant op 29 Februarie 2024.

Gemeente: Die gemeente dink met 'n kopspiritualiteit oor kerkwees, maar funksioneer in hulself met 'n hartspiritualiteit. Die gemeente is gereed vir groei en sal veral wil fokus op die herontdekking van hul roeping. Die gemeente wil deur die liefde van God dien en meelewe tot sy eer.

Die gemeente is 77 jaar oud. Die gemiddelde ouderdom van die gemeente se 289 belydende lidmate en 43 dooplidmate is 52 jaar. Dit is 'n pastorale gemeente in die hartjie van Alberton.

Die gemeente se kerkgebou is in Alberton (Tweedelaan 82). Daar is geen pastorie beskikbaar nie. Die suksesvolle kandidaat sal vir eie verblyf verantwoordelik wees. Die lidmate woon in en om die dorp. Kontak met die lidmate en huisbesoek is baie belangrik.

Die gemeente kan die predikant tans vergoed met 'n totale pakket van vyfhonderd duisend rand per jaar. Enige predikant met meer diensjare, wat vir dié versorging kan begin werk, is welkom om aansoek te doen.

Leraarsprofiel: Die leraar moet lief wees vir die Here en sy kudde. Die Hervormde identiteit en etos is vir die gemeente belangrik.

Aansoeke sluit op 22 Oktober 2023. Aansoeke moet vergesel wees van 'n CV en 'n kort verslag van die kandidaat se VBO-krediete. Met ontvangs van die CV sal 'n vraelys aan u gestuur word. Die vraelys moet eerlik en sorgvuldig ingevul word. Dit moet per e-pos gestuur word aan die skriba (Cobus van Wyk) by alberton@nhk.co.za. Enige ander navrae kan skriftelik aan dieselfde adres gerig word. Alle aansoeke word vertroulik hanteer. Die kerkraad is nie verplig om een van die aansoekers te beroep nie.

- **Werkruimte vir voltydse bediening: Gemeente Suidoos-Witbank.** Aansoeke word ingewag van gelegitimeerde predikante van die NHKA om hierdie bedieningsruimte te vul. Dit is merendeels 'n stadsgemeente met 700 belydende lidmate.

Aard en omvang: Die normale aktiwiteite van die gemeente wat van die predikant verwag word, is prediking, kategeese, spesiale eredienste, hulp met fondsinsamelings, siekebesoek, huisbesoek en pligte soos in die Kerkorde.

Vergoeding: Die predikant sal aangestel word op die traktementskaal 9-10 jaar; huistoelaag sal verskaf word.

Aansoeke sluit op 26 Oktober 2023. Stuur slegs 'n verkorte CV na sowitzbank@nhk.co.za. Vir navrae, kontak die gemeentekantoor by 087 148 9438.

- **Werkruimte vir deeltydse bediening: Gemeentes Otjiwarongo/Outjo-kombinasie.** Die kombinasie Otjiwarongo/Outjo in Namibië beskik oor 'n vakante werkruimte vir 'n deeltydse predikant. Unieke wetlike voorskrifte oor werkpermitte deur die Namibiese regering beperk die opsies wat die gemeentes kan uitoefen vir die bediening. In die lig daarvan is die ideale kandidaat vir die deeltydse pos 'n geëmeriteerde predikant in die ouderdomsgroep 65 tot 68 jaar wat nog die energie en inisiatief het vir gemeentewerk vir 'n periode van twee tot vyf jaar. Die kombinasie sal aansoek doen vir 'n tydelike werkpermit vir twee jaar, wat herhaal sal word indien die persoon vir langer kan of wil bly. Die vergoedingspakket sluit in: 'n gemeubileerde pastorie in Otjiwarongo; 'n gemeentemotor plus brandstof; en 'n kontantvergoeding per maand. Skakel ds Barrie Oberholzer by +264811487465 vir verdere inligting en administratiewe reëlings soos vir 'n mediese fonds.
- **Gemeente Hartebeeshoek** nooi almal wat die afgelope 40 jaar betrokke was by die gemeente na hul feesgeleentheid om hul **40ste verjaardag** te vier.

Saterdag 28 Oktober: Basaar vanaf 09:00
Sondag 29 Oktober: Erediens 09:00, met Massanagmaal,
groeteboodskappe en lofferete

Bevestig teenwoordigheid by die erediens teen 20 Oktober
Hans van der Merwe 071 331 2428
Lukas Vorster 081 354 0777

Ander poste beskikbaar

- Die **Volkskool Bethal vir Christelike Onderwys** het 'n **vakature vir 'n skoolhoof**, diensaanvaarding Januarie 2024. Kontak die voorsitter by riffies@lantic.net of 086 559 8743. Die sluitingsdatum vir aansoeke is **30 Oktober 2023**.

Vergaderings

- Vrydag 20 Oktober: Oudit- en Risikokomitee
- Dinsdag 24 Oktober: DPS en Plesion Finkom
- Donderdag 26 Oktober: ADV Dagbestuur

'n Gedig

Op pad, Jerusalem, na jou
strek berge in die vertes, blou

en purper van onaardse kleur –
tóg alledaags; nee, altyd weer

onaards. Ploegland in 'n vallei
wat wag op saad, is hy slegs klei?

Olyf is maar 'n boom, wat meer
wil dié verwronge arms beweer?

o Land besete van die gees
van al wat was en nog moet wees!

Stede is yster, teer, beton,
stryd om bestaan, en nietemin:

Teen die blink voorhoof van die pad
hoe helder, Here, straal U stad.

Olga Kirsch
(Uit: *Geil gebied*, 1976)

SP Engelbrecht-museum

Ons Tuis is 'n maatskappy wat die optimalisering van die beskerming van ouer persone in uitnemende residensiële fasiliteite en die bevordering van aktiewe veroudering van ouer persone as doelwit het. Hierdie maatskappy se spore kan egter teruggevind word so ver as 1929 toe die NHKA begin het met die institusionalisering van die versorging van bejaardes.

Die bewaring van ons Kerk se geskiedenis en erfenis is dus ook van kardinale belang vir Ons Tuis, asook vir die



inwoners van Ons Tuis. Ons glo dat die toekoms gebou is op die fondamente van ons geskiedkundige verlede.

Die SP Engelbrecht-museum was gehuisves by die Sinodale Dienssentrum in die Dirk van der Hoffgebou in Jacob Maréstraat. Nadat die ruimte te min geraak het, is die Museum opgepak en is talle meubels en uitstallaste by verskillende gemeentes en ander instansies geberg – onder andere ook by Ons Tuis in Riviera. So het die kas op die bateregister van Ons Tuis gekom. Die direksie van Ons Tuis (MSW) het egter besluit om die kas terug te gee aan die Museum nadat die Museum ook nou 'n nuwe tuiste gekry het.

Ons Tuis het op 12 Oktober 2023 hierdie uitstallaste oorhandig aan die SP Engelbrecht-museum, die Museum van die NHKA, as bevestiging van die uitgangspunt dat die geskiedenis en erfenis van die Kerk en die bejaardesorgtuistes vir Ons Tuis en sy inwoners van kardinale belang is.

Die bedoeling is nie net om die uitstallaste vir die Museum te skenk nie, maar ook om die boodskap uit te dra dat ons bejaardes se rol in die verlede waardevolle lesse leer vir nageslagte, en daarom moet daar na ons bejaardes omgesien word. Dit is vir Ons Tuis 'n besondere voorreg, en daarmee oorhandig ons graag hierdie uitstallaste formeel en seremonieel. (Ds Frikkie van Wyk, voorsitter: Direksie Ons Tuis MSW)



Kerklike publikasies

- Die **Kerkkalender vir 2024** wat die afdeling Kerklike Kommunikasie vir gebruik in ons gemeentes voorberei het, is nou **hier** op die Kerk se webblad beskikbaar. Teken asseblief aan om toegang tot die kalender te verkry. Die kalender bevat inligting oor die kerklike feesdae, openbare vakansiedae, skooltermyne en spesiale geleenthede wat vir die hele Hervormde Kerk van belang is. Gemeentes kan hul eie gemeenteprogram daarop invul en die kalender in gedrukte formaat of elektronies onder hul lidmate versprei.



Bybelse Dagboek / Almanak 2024
R200 (versending uitgesluit)


Kry belangrike inligting oor die Hervormde Kerk én 'n inspirerende Bybelse dagboek in een omslag

Bestel by boekwinkel@nhk.co.za


Toerusting

- Ouderlinge kan gerus die **Hervormde Teologiese Kollege (HTK) se webtuiste** besoek. Gaan na <https://hervormdeteologie.co.za/ouderlinge/> vir inligting oor **gevorderde toerusting vir ouderlinge**. Tans verskyn daar reeds YouTube-skakels, PowerPoint-aanbiedings en Word-dokumente van Module I – *Die fasilitering van 'n erediens (ds Hannes van der Merwe)*; Module II – *Hoe berei predikante preke voor (dr Gerhard Nel)*; en Module III – *Die aanbied van 'n preek (prof Yolanda Dreyer)*. **Prof Stephan de Beer** se aanbieding van 29 Mei, *Hoe om jou gemeenskap beter te verstaan*, is ook daar beskikbaar.

Laasgenoemde kan ook direk by <https://youtu.be/TnQNNdxzmP4> afgelaai word. Module II – *Die kuns van goeie gesprekvoering (dr Johan Bester)* is beskikbaar by <https://youtu.be/VfUgoBXodwA>, *Hoe om lidmate in tye van krisis te begelei (dr Annelie Botha)* by <https://youtu.be/dUJ9kXs4Tvw>, en *Siekebesoek en sterwensbegeleiding (dr Annelie Botha)* by <https://youtu.be/AcAQ3DrH7yw>. Kry die gevorderde toerusting in Bybelkennis: Ou Testament (ds Marina Kok-Pretorius) by <https://youtu.be/wz7AsQqrvrY?si=VDweM0QBXPny4xT>.




Departement van Teologie
in samewerking met die



NEDERDUTSCH HERVOORMDE KERK VAN AFRIKA

Diploma in Bediening Deeltydse studies

Ten volle geakkrediteerde kwalifikasie: NQF Vlak 6
SAQA ID: 96454; aantal krediete 379; 5 jaar deeltjyd



Toelatingsvereistes
Nasionale Senior Sertifikaat met toegang tot diplomastudies, of gelykwaardige kwalifikasie

"Hierdie kwalifikasie is veral geskik om lidmate, kerkraadslede en kategete toe te rus vir dienswerk binne en buite die kerk."

Inskrywings vir Januarie 2024 open 1 Oktober 2023

Maak 'n verskil in die Koninkryk van God

Navrae: Ds Bouwer Serfontein
E-pos: ministry@skillspro.co.za
Selnommer: 082 339 7854
Klik [hier](#) vir brosjure



Word 'n
Senior Mind Moves
Fasiliteerder

Oktober is die maand vir Ouer Persone

- *Het jy 'n hart vir ouer persone?*
- *Het jy tyd?*
- *Is jy leergierig?*
- *Wil jy iets sinvols doen?*

Die Mind Moves Instituut bied **40% afslag** op die normale fooi vir Senior Mind Moves fasiliteerdersopleiding – geldig tot **17 November 2023**.

Besoek ons webtuiste www.seniormindmoves.co.za vir meer inligting, 'n aansoekvorm en verdere kontakbesonderhede.

Hoop om binnekort van jou te hoor!



Fondsinsamelings

- **Saterdag 28 Oktober is die finaal van die Rugby-wêreldbeker... Maar dis ook Rugby-basaar by Gemeente Drie Riviere**
Van 09:00 tot 13:00
hv Bashee- en Wilgestraat, Drie Riviere, Vereeniging
Kom geniet die vele stalletjies – braaivleis, *hot dogs*, kerrie-en-rys, teetuin, koeldrank, pannekoek, tuisgebak, vars vleis, verskeie speletjies en 'n hondevertoning
Kom kuier lekker saam, ter voorbereiding vir die Rugby-finaal
Vir meer inligting, skakel Frans Kloppers (078 533 7659)
- **Gemeente Hartebeeshoek: Outydse Basaar**
Ons vier 40 jaar (1983-2023)
Saterdag 28 Oktober vanaf 09:00
Plantainlaan 55, The Orchards
Winkoopvleis en groenteverkope
Vir die smulpape: pannekoek, pap-en-kaiings, kerrie-en-rys, ens
Vir die pret: Skyfskiet, vlooiemark, veiling, plaasdiere, ens
Vir meer inligting, kontak dr Cobus by 082 370 5038

- **Gemeente Bellville: Lentefees**
Saterdag 28 Oktober 09:00-14:00
Kom eet, kuier en geniet die dag saam met ons
hv Ganzekraal en Meerlust, Oakglen, Bellville
- **Gemeente Randburg: Swaeltjefees**
Kom ondersteun ons jaarlikse Swaeltjefees
Saterdag 28 Oktober 08:00-14:00
Kerkstraat 1, Ferndale, Randburg
Watertandlekker pannekoek, sosaties, *jaffles*, pap-en-kaiings
Melkkos, lamskerrie-en-rys, boereworsrolle, lekkers, vetkoek en koek
Maak keel nat by die tee- en dorstuin
Trompoppies, junior- en seniorkore van Laerskool Unika
Plaaslike kunstenaars om jou te vermaak
Vir die kinders is daar 'n spookhuis, speletjies en verfbal
Skaaktoernooi en 'n dieretuinuitstalling
Uitstallers met 'n verskeidenheid produkte te koop
Uitstalling van die Bybelgenootskap
Kom geniet die dag saam met ons!
- **Gemeente Ebenhaëzer: Liggiefes 2023**
Vrydag 1 en Saterdag 2 Desember
Van 16:00 tot laat saans
Heerlike pret en vermaak vir die kinders
Smaaklike kos om aan te smul
Opwindende program van Kers- en gewyde sang
Dalk 'n opvoering of twee
Met plaaslike sanggroep Grinadiers
Gemeentes, lidmate en skole kan gratis deelneem
Bespreek 'n stalletjie vir die Kersmark:
R600 vir 2 dae binne, R500 vir 2 dae buite
Toegang is gratis
Donasies is welkom en sal vir liefdadigheid aangewend word
Vir meer besonderhede skakel Mariana van der Mewe (084 745 1054)
Mirinda Pretorius (083 313 6267)
Christine Kruger (083 362 8504)

- **Alphonso Theron** (61) het besluit om twee monsters aan te durf. Hy wil die **Munga**, een van die heel moeilikste ultramaratons vir bergfietse in die wêreld, voltooi – vir Rata en die kinders wat so dapper teen hul monsters stry! Die deelnemers moet meer as 1 100 km tussen Bloemfontein en Wellington binne 5 dae aflê. Om die monster van Rata se tekort aan inkomste te tem, wil Alphonso R1 000 000 insamel – 1 000 persone of instansies wat elk R1 000 skenk.

<https://rata.org.za/alphonso-se-monsteruitdaging/>

Elektroniese betalings

Rata Maatskaplike Dienste MSW
ABSA tjekrekeningnommer: 020 600 209
Takkode: 632005
Verwysing: MUNGA + Naam

- Daar is 'n **geleentheid vir 'n gemeente of individu** om by die **Centurion Boeremark op Saterdag** pannekoek en/of *jaffles* te verkoop. 'n Stalletjie kos R250 per Saterdag. Deposito R250 eenmalig en sertifikaat van Tshwane vir kosverkope eenmalig R920. Kontak Christo Potgieter by 072 737 3644.
- **Oornagfasiliteite: Seniordal.** Seniordal beskik oor oornagfasiliteite vir persone wat vergaderings of kongresse moet bywoon, of wat dokters moet besoek, of verblyf benodig vir familie van persone wat in die hospitaal is. Daar is veilige parking en 24-uur-sekuriteit.



Vir navrae oor tariewe en vir besprekings, kontak Salomie Stolz gedurende kantoorure 08:00-12:00 by 012 329 4318, of na ure by 083 308 0520.

Studentesake

- **Gemeente Potchefstroom-Studente: Eerstejaarskamp**
30 Januarie – 2 Februarie 2024
By Venterskroon-kampsterrein
Kry inligtingsvorm vir jou besonderhede
<https://forms.gle/qZZrekn4VbZ6GFzH6>
Vir meer inligting, skakel dr Rudy Denton by 082 459 9710
- **Studentebehuising. Gemeente Stellenbosch** kan veilige behuising op die kerkerrein en op die kampus aan studente verskaf. Dit bestaan uit óf enkelkamers met gedeelde fasiliteite, óf eenmensewoonstelle. Skakel dr Chris le Roux by 079 495 3239 of stuur 'n e-pos na stellenbosch@nhk.co.za vir meer inligting.
- **Studentebehuising. Gemeente Philadelphia** verskaf aan studente veilige behuising by Fleur de Lis op die kerkerrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na nhkphiladelphia@gmail.com vir meer inligting.

Barmhartigheid

- **Poste beskikbaar by die Diakonale Pleegsorghuis Elsburg.** Die suksesvolle kandidate sal optree as pleegouers vir ses seuns en verantwoordelik wees vir hul fisiese, emosionele en skolastiese hantering, met die ondersteuning van 'n multidissiplinêre span wat maatskaplike werkers insluit. Persone **tussen die ouderdomme van 30 en 55 jaar** kan aansoek doen (**verkieslik 'n getroude egpaar**). Persone van ander kerkgroepe met dieselfde Christelike grondslag as die NHKA kan aansoek doen, maar die suksesvolle kandidate sal vir die tydperk van hul aanstelling moet **inskakel by die betrokke NHKA-gemeente**. Benewens 'n maandelikse kontantvergoeding, word gratis inwoning in die DPS-huis ook by die pakket ingesluit. Die geskikte kandidate moet bereid wees om psigometriese toetse te ondergaan. Met aanstelling sal hulle opleiding in ontwikkelingstrauma ontvang. **Die sluitingsdatum vir aansoeke is 31 Oktober 2023.** Kontak **mnr Otto Viljoen** by 079 495 2007 / 060 968 4907 / kinderhuise@nhk.co.za, of **mev Suzanne van Deventer** by 066 477 8904 / suzanne@rata.org.za. Besoek gerus ook die webtuiste www.pleegsorg.org.za of die Facebookblad DPS Huisse.
- **Louis Trichardt-behuisingskompleks vir bejaardes** in Danville, Pretoria, bied kamergeriewe met twee etes per dag teen R3 850 per maand. Vir meer inligting, kontak mev Yvonne Willemsse of matrone Jenny Wesson by 012 386 5310.
- **Ons Tuis (Andries Marié Oosthuizen) in Parys** het plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.
- **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuur aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:

Enkelwoonstel (*bachelor*): R495 000

Eenslaapkamer: R515 000

1½-slaapkamer: R520 000

Tweeslaapkamer: R560 000

Tans is daar ook 'n enkelwoning (bachelor) te huur vanaf 1 Oktober 2023, teen R5300 per maand. Kontak Salomie Stolz by 012 329 4313 of 083 308 0520 (08:00-12:00) vir meer inligting.

- **Herfsakker Selfsorg-aftreeoord in Groblersdal:** Behuising beskikbaar vir persone ouer as 60. Geen versorging beskikbaar nie, persone moet selfversorgend wees. Geen etes word voorsien nie. Eie tuin. Tariewe is per vierkante meter en verskil van huis tot huis. Deposito van twee maande huur betaalbaar. Vir meer besonderhede, skakel Frik Rossouw by 082 830 6591.
- **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / manager@belfastrusoord.co.za vir meer inligting en tariewe.
- **Athalia Uitrek in Bloemfontein** bied verblyf vir en versorging van bejaardes en persone met gestremdhede. Daar is enkel- en deerkamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / navrae@athalia.co.za / www.athalia.co.za.

Betaalde advertensies in hierdie nuusbrief

Die koste van advertensies is **R250 per plasing (BTW ingesluit)**. Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal. Meer besonderhede oor advertensies kan aangevra word van produksie@nhk.co.za.

Universele gebed vir vrede

Almagtige Vader,
lei ons van dood na lewe,
van valsheid na waarheid.
Lei ons van wanhoop na hoop,
van vrees na vertrou.
Lei ons van haat na liefde,
van oorlog na vrede.
Laat vrede ons lewens vul,
ons wêreld,
ons heelal.
Vrede, vrede, vrede!

Van die Iona-gemeenskap
www.iona.org.uk

(Afrikaanse verwerking: Tessa Oppermann)